



Pou Piblikasyon Imedya: 12/03/2023

GOUVÈNÈ KATHY HOCHUL

GOUVÈNÈ HOCHUL ENKOURAJE NOUYÒKÈ YO POU PREPARE YO POU GWO PREVIZYON NÒDÈS KI KA AFEKTE KÈK PATI NAN LÈS ETA A APATI LENDI

Evènman nèj ki kapab dire lontan ka pwodui jiska de pye nèj oswa plis nan kèk pati nan reyon Kapital la ak reyon Mid-Hudson lan

Yo prevwa 8-18 pou sèn nèj nan pifò reyon kapital la, New York Santral, Mid-Hudson, Mohawk Valley ak reyon North Country

Menas blakawout toupatou nan zòn ki afekte yo akòz gwo nèj imid ak rafal van; yo prevwa kondisyon vwayaj danre pou lendi aswè jiska mèkredi maten

Gouvènè Hochul konseye pou pa vwayaje si sa pa nesesè nan reyon ki afekte yo, sitou nan madi kote viziblite yo pral limite anpil

Vil New York ak Long Island ta ka wè jiska yon pou sèn nèj, epi chit lapli ka lakòz inondasyon kotyè minè

Gouvènè Kathy Hochul jodi a te ankouraje Nouyòkè yo pou yo prepare wiken sa a pou yon previzyon tanpèt nèj enpòtan ki pral gen enpak sou reyon lès eta yo apati lendi epi k ap kontinye jiska madi nan aswè. Toupatou nan Reyon Kapital la, New York Santral, Mid-Hudson, Mohawk Valley ak Reyon North Country ta kapab wè jiska 18 pou sèn nèj pandan peryòd tan sa a. Altitud ki pi elve nan reyon Kapital la ak reyon Mid-Hudson, kote yo prevwa plis akimilasyon nèj yo, kapab resevwa plis pase de pye nèj nan mèkredi maten. Reyon Lwès New York ak Finger Lakes ka wè jiska uit pou sèn nèj akoz konsekans tanpèt la. Nèj lejè ka kòmanse nan kèk zòn Lendi maten, men pi gwo nèj pral kòmanse pi bonè posib nan lendi apremidi epi kontinye jiska madi nan aswè. Nèj pral imid ak gwo, epi van rafal jiska 72 kilomèt alè nan madi pral ogmante chans blakaowut ak enpak ki gen rapò ak yo. Gouvènè Hochul te konseye Nouyòkè k ap viv ak k ap travay nan reyon ki afekte sa yo pou yo evite nenpòt vwayaj ki pa nesesè paske sifas ki glise ak vizibilite redwi pral gen enpak sou vwayaj yo nan lendi swa, pandan tout jounen an nan madi epi li posib nan mèkredi maten. Yo prevwa Vil New York ak Long Island kapab resevwa mwens pase yon pou sèn nèj, men lapli nan zòn nan kapab lakòz yon inondasyon kotyè minè.

"Nouyòkè yo ta dwe prepare kounye a pou yon sistèm metewolojik ki pral pote gwo chit nèj nan kèk pati nan lès eta a, sitou pou zòn ki bò Rivyè Hudson ak alantou Rejyon Kapital la", **Gouvènè Hochul te deklare.** "Mwen te deja mande ajans eta yo pou yo prepare tout resous entèvansyon ijans yo epi yo rete prè pou ede nenpòt nan gouvènman lokal yo si yo bezwen. Nenpòt moun ki nan rejyon ki pral afekte pa tanpèt la ta dwe prepare pou de oswa twa jou chit nèj ak kondisyon vwayaj danjere yo."

Komisè Divizyon Sekirite Teritwa ak Sèvis pou Ijans Ian, Jackie Bray, te deklare, "Tanpèt sezon fredi sa a se yon evènman pandan plizyè jou ki pral rann vwayaj trè difisil ak danjere nan kèk pati nan New York. Nouyòkè k ap viv ak k ap travay nan pati lès eta a, espesyalman rejyon Kapital ak Mid-Hudson yo, ta dwe prete anpil atansyon ak previzyon lokal yo, limite vwayaj ki pa nesesè yo, epi planifye davans pou blakawout yo."

Siveyans kont Tanpèt Ivènal an vigè kounye a pou tout pati lès Eta New York, nan nò Vil New York. Pral gen anpil chans pou yo pibliye lòt siveyans, avètisman ak/oswa konsèy nan jou k ap vini yo. Pou ou kapab jwenn yon lis sou avètisman meteyowolojik yo nan zòn ou an, vizite [sit entènèt](#) Sèvis Metewolojik Nasional zòn ou an.

Preparasyon Ajans

Divizyon Sekirite Teritwa ak Sèvis pou Ijans yo

Divizyon an ap siveye aktivman previzyon metewolojik la epi kowòdone repons Eta a ak evènman move tan an. Anplwaye Biwo Jesyon Ijans (Office of Emergency Management, OEM) yo an kontak ak tokay lokal yo epi yo prepare pou fasilité demann pou asistans.

Divizyon an pare pou deplwaye resous sa yo ak ebèje founiti ki soti nan rezèv Eta a, si sa nesesè:

- 1,489 jeneratris
- 536 Twonsonez
- 964 aparèy chofaj pòtatif
- 39,948 MRE
- 552,260 boutèy & kanèt dlo
- 9,105 manto
- 9,641 dra
- 11,220 zòrye

Depatman Transpò (Department of Transportation)

Depatman Transpò Eta a pare pou li entèvni avèk 3,631 operatè ak sipèvizè ki disponib nan eta a. Pou soutni aktivite entèvansyon kont nèj ak vèglas nan zòn kritik yo, yo te deplwaye 76 anplwaye otatal, ki gen ladan 63 operatè kamyon, 11 sipèvizè ak 2 instriktè operatè ekipman. Yo te distribiye yo konsa:

- Rejyon Kapital: Ap resevwa 10 operatè chasnèj ak 2 sipèvizè ki soti nan Lwès Southern Tier

- New York Santral: Ap resevwa 3 operatè chasnèj ak 1 sipèvizè ki soti nan Lwès Southern Tier
- Mid-Hudson: Ap resevwa 6 operatè chasnèj, 1 sipèvizè, 2 enstriktè operatè ekipman ki soti nan Rejon Finger Lakes
 - Ap resevwa 24 operatè chasnèj ak 5 sipèvizè ki soti nan Lwès New York
 - Ap resevwa 20 operatè chasnèj ak 2 sipèvizè ki soti nan Long Island

Yo pral re-evalye bezwen pou plis resous jan kondisyon yo mande pandan tout dire evènman an.

Ekip reyonal yo angaje yo kounye a nan efò aktivite ak preparasyon kont nèj ak glas yo. Tout lokal rezidansyèl yo pral rete ak anplwaye yo pou operasyon yo 24/7 pandan tout dire evènman an ak operasyon netwayaj priyoritè yo. Tout ekipman ki disponib yo pare pou deplwaye. Flòt Mekanik nan zòn ki afekte yo ap gen anplwaye nan tout lye rezidans prensipal yo 24/7 pou fè reparasyon epi mentni kamyon yo sou wout la.

Kantite ekipman ki genyen nan tout Eta a repati konsa:

- 1,617 gwo kamyon chasnèj
- 154 chasnèj mwayen
- 52 remòk chasnèj
- 344 gwo chajè
- 37 aparèy pou soufle nèj

Pou jwenn enfòmasyon sou sikilasyon an tan reyèl, otomobilis yo dwe rele 511 oswa vizite www.511NY.org oswa sit mobil la nan m.511ny.org, sous enfòmasyon sou vwayaj ak sikilasyon ofisyèl Eta New York la.

Otorite Thruway

Otorite Thruway la pare pou li entèvni fas ak tanpèt ivènal la avèk 680 sipèvizè ak operatè disponib nan tout eta a.

Thruway la ap deplase anplwaye adisyonèl ak gwo kamyon chasèj nan Divizyon Buffalo li a pou sipòte operasyon nèj ak glas nan lès New York. Anplwaye yo ap siveye tanpèt la kounye a epi yo ka deplwaye lòt operatè ak ekipman si kondisyon yo garanti. Kantite ekipman ak resous ki genyen nan tout eta a repati konsa:

- 357 kamyon chasnèj pwa lou ak pwa mwayen
- 11 remòk chasnèj
- 68 gwo chajè
- Plis pase 117,000 tòn sèl disponib

Yo itilize Pano pou Mesaj Varyab ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo aksè dirèk ak enfòmasyon sou sikilasyon an nan tan reyèl, kamera sikilasyon yo nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resevwa [imèl TRANSalert](#) k ap bay dènye enfòmasyon sou kondisyon sikilasyon sou Thruway a.

Depatman Sèvis Biblik

Konpayi sèvis biblik yo ki reglemante pa Depatman Sèvis Biblik (Department of Public Service, PPS) la gen apeprè 7,500 travayè ki disponib nan tout eta a pou angaje yo nan efò reparasyon ak restorasyon pou sistèm move tan ivènal la.

Sa gen ladann resous ekstèn siplemantè sa yo:

- 765 travayè liy ekstèn ak sèvis pou divizyon Lès ak Santral National Grid (Rezo Nasyonal) la.
- 450 travayè liy ekstèn ak pye bwa pou NYSEG ak RG&E
- 125 travayè liy ekstè pou Central Hudson
- 380 travayè liy ekstèn apou Con Edison.
- 330 travayè liy ekstèn pou Orange & Rockland ak

Pèsonèl DPS la pral swiv travay sèvis biblik yo pandan tout evènman an epi sire konpayi sèvis biblik yo voye anplwaye apwopriye yo nan rejyon ki gen pi gwo enpak yo.

Si yo entèwont sèvis ou a, vizit [sit entènèt](#) Entèripsyon Sèvis Biblik DPS la pou jwenn konsèy.

Lapolis Eta New York

Lapolis Eta New York (New York State Police) pral ogmante patwouy adisyonèl ak mete an plas motonèj ak veyikil teren sèvis biblik yo pou respons imedyat nan zòn ki pral afekte pa tanpèt la. Tout veyikil touten yo an sèvis epi yo déjà teste tout ekipman alimantasyon elektrik ak ekipman komunikasyon ijans yo.

Depatman Konsèvasyon Anviwònmantal

Ofisyè Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi y ap siveye siti�asyon k ap devlope a epi y ap fè patwouy aktivman nan zòn ak enfrastrikti ki afekte pa move tan an. Tout resous disponib yo prè pou ede ak nenpòt entèvansyon ijans.

DEC ap konseye itilizatè nan rejyon andeyò yo pou yo konsyan ak prepare pou kondisyon avalanch akòz tan an ki ka ogmante risk avalanch ou glisad yo oswa teren apik oswa ouvri. W ap jwenn plis enfòmasyon disponib sou <https://www.dec.ny.gov/outdoor/950.html>.

Sekirite pou randone nan sezon fredi ak preparasyon yo trè enpòtan kèleswa kapasite fizik oswa destinasyon yon randone. Byen prepare pou kondisyon ivè yo esansyèl pou yon eksperyans ki pi agreyab ak pi an sekirite. Gen plis enfòmasyon sou randone pandan ivè a ki disponib isit la <https://www.dec.ny.gov/outdoor/112826.html>.

DEC raple sila yo ki responsab pou netwaye ak jete nèj a gwo echèl pou yo swiv pi bon pratik jesyon yo pou ede anpeche inondasyon ak redui posibilité pou gen polyan tankou sèl, sab, Iwil, fatra ak lòt debri nan nèj ki afekte kalite dlo a. Eliminasyon nèj nan rivyè ak kouran dlo lokal yo ka kreye baraj glas ki ka lakòz inondasyon nan zòn ki toupre yo. Operatè pou retire nèj piblik ak prive yo ta dwe okouran de pwoblèm sekirite sa yo pandan ak apre tanpèt la. Gen enfòmasyon adisyonèl ki disponib nan https://www.dec.ny.gov/docs/water_pdf/togs5111new.pdf.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta New York ak anplwaye pak yo rete alète epi y ap swiv deprè kondisyon metewolojik ak enpak yo. Yo ap alimante, teste epi prepare ekipman pou repons, pou fè entèvansyon nan ka tanpèt. Pak Eta gen nèf ekip siyè ki disponib pou deplwaman ki nesesè. Vizitè pak yo dwe tcheke parks.ny.gov oswa rele biwo pak lokal yo pou yo jwenn dènye nouvèl konsènan lè fonksyònman pak yo, lè ouvèti ak fèmti yo.

Konsèy sekirite

Vwayaj

Men kèk nan konsèy ki pi enpòtan pou woule ansekirite:

- Pa kondui, sof si sa nesesè.
- Si ou dwe vwayaje, asire ou ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrè.
- Si ou gen telefòn selilè oswa lòt aparèy komunikasyon tankou yon wòki tòki disponib pou ou sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòme sekouris yo sou kote ou ye.
- Prensipal kòz lanmò ak blesi pandan tanpèt ivè se aksidan transpò. Anvan ou chita dèyè volan, pa bliye retire glas ak nèj ki sou machin ou an; bon vizyon se sekrè kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.
- Li enpòtan pou chofè ki sou tout wout yo konnen vitès chasnèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.
- Chofè machin ak pyeton dwe sonje chofè chasnèj yo ka wè devan yo sou yon distans limite, epi gwosè ak pwa chasnèj yo ka fè l difisil pou manevre epi

frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li. Pa janm eseye pase sou yon chasnèj pandan l ap fonksyone.

Blakawout yo

- Tcheke konpayi sèvis publik ou a pou ou ka konnen orè reparasyon nan zòn nan.
- Etenn oswa deploge limyè ak aparèy menaje pou ou ka evite yon sichaj kouran lè yo repare sèvis la: kite yon limyè limen pou endike lè yo te retabli kouran.
- Si chalè a ale pandan yon tanpèt ivènal, kenbe kay la cho lè w fèmen chanm ou pa bezwen yo.
- Pou rapòte yon blakawout, rele:
 - Central Hudson: 800-527-2714
 - Con Edison: 800-752-6633
 - National Grid: 800-867-5222
 - NYSEG: 800-572-1131
 - O&R: 877-434-4100
 - PSEG-LI: 800-490-0075
 - RG&E: 800-743-1701

Sekirite pou Chofaj

- Sèvi ak sous chalè altènatif ki an sekirite sèlman tankou yon chemine, ti recho a bwa oswa a chabon ki byen ayere oswa aparèy chofaj pòtab.
- Lè w ap itilize sous chalè altènatif tankou yon chemine, recho a bwa, elatriye, toujou asire w ke ou gen bon vantilasyon. Toujou Swiv enstwiksyon fabrikan yo.
- Kenbe rido, sèvyèt ak manchon pwoteksyon yo lwen sifas cho.
- Gen yon ekstenktè ak detektè lafimen epi asire w yo fonksyone.
- Si w itilize aparèy chofaj ki mache ak kewozèn pou konplete gaz chofaj regilye w la, oswa kòm yon sous chalè ijans, swiv konsèy sekirite sa yo:
 - Swiv enstwiksyon fabrikan yo.
 - Sèvi ak gaz ki kòrèk la sèlman pou inite w la.
 - Remete konbistib deyò sèlman epi lè inite a frèt sèlman.
 - Kenbe aparèy chofaj nan yon distans omwen twa pye ak mèb yo lòt eleman konbistib yo.
 - Lè w ap itilize aparèy chofaj la, sèvi ak pwoteksyon kont dife epi vantile byen.

Pou plis konsèy sekirite sou lvè a, vizite <https://dhses.ny.gov/safety>. Pou tout bezwen sèvis ki pa ijans anvan, pandan oswa apre yon tanpèt nan Eta New York, rele 211 oswa vizite 211nys.org.

Enfòmasyon sou Divizyon Sekirite Enteryè ak Sèvis Ijans lan

Divizyon Sekirite Teritwa ak Sèvis pou Ijans yo ofri direksyon, kowòdonasyon ak soutyen pou anpeche, pwoteje kont, prepare pou, reponn a, rekipere apre, epi diminye katastwòf ak lòt ijans. Pou w jwenn plis enfòmasyon, vizite DHSES sou [Facebook](#), sou [Twitter](#) oswa vizite [dhses.ny.gov](#).

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)